

漢書門

類	號	函	架	冊
三	三	一	一	六

內閣文庫

類	號	冊	函
三	三	一	六

內閣文庫	
番號	漢 12631
冊數	6 (4)
函號	301 89





丹臺玉案卷之四

明新安休邑後學孫文胤對薇父叅著

嶧縣今友生游士進旂揚父較正

平湖縣庠盟弟俞允昌爾迪父

全閱

仁和縣庠兄有緒武卿父

諸血門

吐血 便血 尿血 血汗 血潛
鼻血 五竅出血

血乃水穀之精化於脾生於心藏於肝佈於肺施於
腎善調攝者不妄作勞則血之運於身者無一息之
停自然肌膚潤澤筋脉和暢何病之有後生少年輩

恃其壯盛恣情酒色而貧窮勞苦之人又不暇自惜
涉遠負重奔走於衣食而無日夜之安寧其能不傷
於血乎傷於上部則胃臆痛傷於中部則兩脇中脘
痛傷於下部則小腹痛由是吐血衄血便血尿血之
病作矣夫吐血與衄血無異但所由之經不同而要
之皆暴於脾也脾能裹血不能使血之不升胃火上
蒸則血從口出肺火上騰則血從鼻出然有輕重之
差焉衄血太甚始於吐血無異不甚不足爲慮也至
於吐血雖不甚而實爲可畏用藥者其可以混施耶

夫吐血固甚於衄血矣而就其吐血言之則亦自有
輕重如一咯一塊者胃口血也其所從來者近痰中
見血色如瑪瑙而成塊者亦胃口血也其所從來者
亦近二者勢若可畏而猶可調理法當任其自出又
必看其色不鮮者舊血也勿以藥止之其色鮮者新
血也所積者必不甚多宜以藥止之蓋舊血終不歸
經不在其自出及於增劇新血終當歸經若所出者
多則損入矣故宜藥止之以引血歸經此皆可以調
理而愈者也若痰中見血或一點之小或一絲之細

語其勢若無可畏而病根反深此血非胃口之血也
乃從肺臟中來肺為虛火所逼血從痰出故也其所
以少者何也蓋肺臟以氣為主本多氣而少血是以
所出者亦少也肺臟之血本少又火逼而出之則肺
以枯而無以領一身之氣矣所害不亦大乎至於五
竅出血者勢如潮湧耳自口鼻一齊逆流藥不及煎
針不及下效在頃刻間此猶血症之至極者也醫者
豈可無急治之法若夫滲入腸間從下部而出則為
腸風為臟毒為溺血其病易治非若上焦之血也又

有從汗孔出者為肌衄從舌出者為舌衄從委中穴
出為臃血皆有治法諸血見若身熱脈大者難治是
火邪熱甚也身涼脈靜者易治是正氣復也治法未
見血則宜消宜和既見血則宜涼宜止舊血未盡則
化其血新血未盡則補其血因其勢之輕重而為緩
急之施則無不中矣若婦人崩漏女子月信則自見
本科而此不及載云

脉云

失血之症脉皆見芤芤在何經血亦從何經只宜芤

危。細不宜浮大訣云鼻衄吐血沉細宜忽然浮大必傾

立方

涼血抑火湯

治吐血衄血初起氣盛上逆不能下

降歸經

當歸

赤芍 各二錢 大黃 三錢 黃芩

黃連

丹皮

生地

川芎

各一錢 五分

燈心三十莖臨服加藕汁半椀

必勝飲 治男子婦人血妄流溢或吐或咳衄血并

皆効驗

生地

當歸 各三錢 川芎 一錢 蒲黃 炒黑 二錢

小薊

取汁半 酒椀

加烏梅五箇空心服

茜根散 治吐血衄血錯經妄行并婦人月信不止

茜草

阿膠 各二錢 蛤粉炒

側柏葉 炒過 一錢

生地

甘草

黃芩 各一錢 五分

加童便半酒椀溫服

犀角地黄湯 治怒氣傷肝積熱不散鬱於經絡隨

氣湧泄為吐血衄血便血等症并各經宜加錄後

懷生地 犀角 丹皮 赤芍 各二錢

加童便半杯空心服 心經血加麥冬黃連 肝

經血加青皮黃芩 脾經血加百合白芍 肺經

血加百部天冬山梔 腎經血加知母黃柏玄參

青蒿 膽經血加柴胡竹葉 胃經血加乾葛大

黃 心胞絡血加茅根丹皮 大腸經血加槐花

地榆 小腸經血加山梔側柏木通 膀胱經血

加茅根牛膝 三焦血加地骨皮連翹 吐血不

正陳棕灰炒黑荆芥穗 蓄血不消加桃仁大黃

四生丸 治血熱妄行吐咯不止

生栢葉 生荷葉 生地黃 生艾葉 各等分

四味共搗極爛丸如芡實大每下丸白滾湯下

保真神應丸 治男婦吐血咳嗽氣喘痰涎壅盛骨

蒸潮熱面色痿黃日晡面熾睡臥不寧服之神效

遼五味 棟淨 杜仲 薑汁 阿膠

白朮 各二兩 貝母 白茯苓 花椒目

荷葉 煨灰 懷生地 各四兩用栢子仁二三錢砂仁 二三錢絹袋盛之入生地同煮

揀去柏子仁砂仁

右為末以黑棗肉同地黃汁搗為丸每服三錢空心白滾湯下

急濟飲 治吐血如泉之甚一服立止

小蘗 搗汁 童便 磨墨汁 藕汁 各半

沉香 磨一錢

作二次緩緩呷下

神寶飲 治風邪入於胃經下血鮮紫及腸胃濕毒

下如豆芥

蒼朮 白朮 人參 各五錢 茯苓

當歸 白芍 川芎 槐角 炒黑各一錢五分

升麻 一錢

水煎食前服

槐花散 治腸風臟毒下血

扁柏葉 炒 槐花 枳殼 炒 荊芥穗 炒黑各等分

右為末每服三錢空心白滾湯下

對金飲 治大腸下血

黃連 槐花 蒼朮 各一錢二分

甘草 白朮

厚朴 枳殼

陳皮 藿香

當歸 升麻

水煎食前服

栢灰散 治臙毒下血諸藥不効

側栢葉 取發春東夏南秋西冬北履灰存性

每服二錢空心滾湯調下

仙露飲 治小便復出血

生地 蒲黃 黃連 升麻

小薊 旱蓮草 川芎

各一錢 各二錢 各一錢 各二錢 各一錢 各一錢

水煎空心服

又方

當歸 川芎 益母草 阿膠

人參 劉寄奴 龍膽草 荆芥穗

水煎溫服

固元湯 治血從毛孔中出名曰血汗此元氣不足

人參 五味子 黃耆

甘草 棗仁

水煎溫服

又方 治血汗初起

人中白二錢 人參一兩 麝香半分 臨服加入

水煎溫服

靈秘散 治偶然抓傷血絡血出不止名曰血灌若

不急救血盡卽危

糞桶箍煨灰 三錢 胎髮煨灰 一錢 煮酒餅上紙煨

右爲末和勻摻上卽止再服犀角地黃湯方見前

寸金散 治鼻衄不止

黃藥子五錢 土馬毯五錢有足者生 古牆上多有之

生甘草一錢

右爲末每服二錢新水調服

又方 伏龍肝半升以井花水大碗淘取汁和頓服

又方 韭汁飲之立止吐血亦妙

又方 頭髮燒灰吹入鼻中卽止

五竅出血以井花水當面連噴幾口急分開頭髮用

草紙數層蘸醋令透搭在額門其血卽止

諸虛門

諸虛先要辨陰陽血陰而氣陽也有暴虛而無傷損

者易復有虛而虧損者亦可補益惟久虛而傷壞者必保養僅可平愈多汗又形肥而面浮白者陽虛形瘦而面蒼黑者陰虛男子久病氣口脈弱則死強則生女人久病人迎脈強則生弱則死虛症必食少神昏遺精潮汗痰嗽腰背骨痛但見一二症便是陽損自上而下二損於肺則皮聚而毛落三損於心則血脈虛少不能榮於臟腑婦人月水不通三損於胃則飲食不能消尅不為肌膚治宜辛甘若淡於胃則不可治矣陰損自下而上二損於腎則骨痿不

能起於床一損於肝則筋緩不能自收持二損於脾則飲食不能消尅不為肌膚治宜酸苦若鹹過脾則不可治矣大要心肺損而色憊汗多者為陽虛肝腎損而形瘁汗多者為陰虛經云損其肺者益其氣損其心者補其榮血損其脾者調其飲食適其寒溫損其肝者緩其中損其腎者益其精古庵云肺脾主氣肺惡寒而脾惡濕則溫寒燥濕之藥是補肺脾而瀉心腎也心腎主血心惡熱而腎惡燥則清熱潤燥之藥是補心腎而瀉肺脾也要之陰陽損傷皆水火不

濟火降則血脉和暢。水升則精神充滿。或心腎俱虛。或心脾俱虛。或肺腎俱虛。或五臟俱虛。但以補和心腎為主。兼養脾胃。則飲食進而精神氣血生矣。

其脈云。虛人脈多弦。弦濡大而無力者為氣虛。沉微無力為氣虛甚。多在右手。上見脈弦數而無力為血虛。脈濇而微為血虛甚。此多在右手上見。或寸微尺大而緊者。血虛有火。

立效

十全大補湯

治氣血兩虛。并病後虛極者。

人參

黃耆

茯苓

白朮

各二錢

芍藥

當歸

川芎

熟地

各一錢五分

蘇中甘草

肉桂

各一錢

棗二枚。薑三片。煎服。

八珍湯。治氣虛血少。四肢無力。

生地

當歸

川芎

芍藥

各二錢

人參

白朮

茯苓

甘草

各一錢

棗二枚。煎服。

黃耆湯 治五臟虛寒四肢消瘦皮毛枯澀津液不

通脈氣微弱

黃耆 白朮 人參 各三錢 生薑 五錢

人狂附子 肉桂 各二錢

棗十枚煎服

補中益氣湯 治中氣不足勞倦傷脾四肢乏力飲

食少進久泄不止

當歸 黃耆 人參 各二錢 白朮

十全陳皮 柴胡 各一錢 升麻 各八分 甘草 各八分

棗薑煎服

滋陰抑火湯 治血虛火盛朝涼晚熱精神減少睡

臥不穩

當歸 三錢 知母 麥門冬 天門冬

地骨皮 丹皮 各二錢 棗仁 柴胡

天花粉 人參 各一錢

燈心三十莖 食遠服

六味地黃丸 治腎氣虛弱脾經不和一切損傷虛

煩骨蒸

山茱萸 山藥各四兩 熟地 八兩 澤瀉

丹皮 茯苓各三兩

右為細末。煉蜜丸。每服三錢。空心服。

生脉散 治虛損之人。口苦咽乾。脉息微弱。不時可

以當茶飲之。

人參 遼五味 麥門冬去心各二錢

水煎溫服。

古庵心腎丸 治水火不濟。心神恍惚。血虛氣弱。寒

熱往來。

生地 熟地 山藥炒 茯苓

石斛 枸杞 龜板羊酥炙 牛膝

丹皮各二兩炒 黃連酒炒 鹿茸各一兩酥炙

當歸 澤瀉 黃柏鹽水炒 甘草各一兩五錢

右為末。蜜丸。每服三錢。空心鹽湯下。

虎潛丸 治真元不足。榮衛不調。氣血虧損。陽事痿

弱。

黃柏 知母 熟地黃 龜板各三兩

虎脛骨對 鎖陽四兩 當歸 陳皮

白芍

牛膝 各二兩

右為末以羊肉為丸每服四錢空心滾湯送下

固本保元丸

治諸虛百損精血不固元神不足四肢乏力肌肉消瘦朝涼暮熱夢寐遺精陽事不舉

人參

茯苓 各三兩 紫河車 二具 枸杞

五味子

知母 鎖陽 仙茅

當歸

各二兩 生地 四兩 黃耆 杜仲 各一兩

天雄

一枚 甘草 八錢

右為末蜜丸每服三錢空心鹽湯下

補天膏

治腎氣不足下元虛乏臍腹疼痛脚膝緩弱肢體倦怠面色痿黃腰疼背脹

雲木 當歸 生地 牛膝

沉香

各三兩 人參 沙參 天門冬

阿膠

山茱萸 核桃肉 龍眼肉 各四兩

紫河車

二具 黍米金丹 一粒即小兒出世口內大血珠

右為咀片

以桑樹柴文武火煎熬成膏不時可服

天王補心丹

治心經血少神思倦怠恍惚易忘并讀書人燈窗刻苦至察久服之亦令人聰明

讀書人燈窗刻苦至察久服之亦令人聰明

讀書人燈窗刻苦至察久服之亦令人聰明

白茯苓

人參

玄參

遠志肉

天王丹參

桔梗

當歸

遠五味

麥門冬

天門冬

生地

栢子仁

酸棗仁

各二兩

右為末

蜜丸

硃砂為衣

每服三錢

空心

白滾湯下

癆瘵門

附夢遺

鬼交

盜汗

自汗

骨蒸朝熱

癆者勞也。猶妄作勞以成病也。從病從勞故名曰癆。勞力負重則傷血而氣亦重傷。然精猶未傷也。勞力以行房則傷精而血氣其能以獨不傷乎。或勞力以

負重而復勞力以行房更失於檢束而不避風寒。恃其強壯而縱欲。麴藥則精神與血俱傷而真元剝削。風寒麴藥交次而虛火易熾。病根日深。病已不可拔。猶不知戒而肆情。是慾則心肝肺腎損矣。心損則精神不守。恍惚肝損則失血少睡。面白無色。肺損則聲音低小。言語不續。腎損則腰膝軟弱。小便短數。而虛損之症成矣。虛損者癆瘵之始。癆瘵者虛損之終。由勞傷而成。虛損由虛損而成。癆瘵也。癆瘵之為病也。有咽乾。喉癢。煩嗽。而無痰者。有哮喘。滿急。氣壅。而不

得眠者有痰中見血一咳而即出者有面常類熱忽
灑淅而似寒者有曾前如火而兩足冰冷者有腰疼
背痛而筋軟無力者總屬於虛至於夢遺鬼交盜汗
自汗骨蒸潮熱又屬非虛之所致耶究而言之夢遺
鬼交虛不眠言矣然何以有是夢有是交而又有是
精耶蓋夢者心之神也鬼者肝之鬼也精者腎之液
也心之火君火也肝腎之火相火也相從君之令者
也君火一動相火從之而夢遺鬼交之病起矣盜汗
自汗虛不眠言矣然均之為汗也何為而有盜與自

之異耶蓋盜汗者睡去即出醒來即收盜之偷竊乘
其虛隙而惟恐人知故有盜汗之名焉而求其所屬
之經則猶於心氣之不足汗者心之液也心氣不足
則神不守舍而液無所攝故睡中出汗一驚覺之間
則心神漸定故汗亦收也自汗者無睡無醒自然濡
濕故有自汗之名焉較而論之則自汗為甚是何也
蓋盜汗本於心虛而其真元猶未盡虛也自汗則真
元耗散轉理皆開肺失統氣之權不能固表故毫竅
疎豁汗流不禁豈不大可畏哉若汗出如膏凝而不

流者乃真元盡洩於外而生氣以絕。厥期至矣。骨蒸潮熱。虛不眠。言矣。然何以使熱之蒸於骨耶。蓋骨之所屬者腎也。腎實則寒。腎虛則熱。骨熱。龍火大旺。煎熬真陰。真陰既竭。熱無所容。流入於骨。故成骨蒸。骨蒸既久。上蒸於顛。顛赤而熱。則不救矣。蓋顛者骨之本也。骨本一枯。則腎經已絕。厥期至矣。又有咳吐一症者。百無一生。傳尸一症者。九死一活。相思一症者。無藥可治。或平素有漏瘡。及下部忽生腫毒。與夫脾虛發腫。泄瀉者。皆難治之症也。

脉云

凡男子。尺脉虛數。而寸沉微者。為癆。女子。寸脉虛數。而尺沉微者。為癆。要之。癆瘵。脉數或濇細。如潮汗。咳血肉脫者。殂。

立方

滋陰抑火湯。治陰虛火動。盜汗發熱。咳嗽吐血。身熱。脉數。肌肉消瘦。酒色過傷。已成癆瘵者。

知母

人參

黃柏

天冬

麥冬

各一錢

貝母

生地

當歸

白芍 白朮 各一錢
煨薑灰 八分

加燈心三十莖溫服

保真飲 治勞思虛損妄泄真元陰虛火動痰喘氣

急咳嗽吐紅

遼五味 當歸 白朮 酸棗仁

紫河車 石斛 玄參 沙參 各一錢

紫苑 山梔 炒黑各 人參 三錢

加童便一椀煎服

驚甲地黃湯 治虛癆手足煩熱心忤怔忡及婦人

血室有乾身體羸瘦飲食減少

天冬 麥冬 驚甲 白朮

人參 白茯苓 柴胡 甘草 各一錢

肉桂 熟地 石斛 秦艽 各一錢

水煎溫服

河車回天丸 治咽喉乾嗽灑淅似寒腰膝酸疼日

脯頰赤頭眩眼花吐血喘逆飲食少進肢體羸

人參 一兩 紫河車 具一附子 八錢 當歸

白朮 兔絲子 杜仲 知母

黃柏 各二兩 秋石

丹參 貝母

阿膠 白芍

遼五味 各一兩 二錢

右爲末煉蜜爲丸每服三錢空心白滾湯送下。

參附接命膏 治癆弱喉音啞者飲食不進肚腹疼痛

痛

人參 八兩 大附子 八兩

右爲麤末將天鷲油二觔浸半月慢火熬至焦黑絞去渣再熬至滴水成珠再入東丹一觔慢熬成膏待溫加入麝香五錢攤紵絲上貼在丹由處連

膈內服河車回夫丸癆瘵將危貼此回生

噲化紫金丹 治肺熱咯血癆嗽不止

川貝母 天花粉 紫參 玄參

款冬花 蜜蒙花 紫苑茸 各五錢

牛黃 八分 青礞石 海粉 黃芩

甘草 桔梗 各三錢

右爲極細末煉蜜六兩爲丸如芡實大每一丸噲化潤下

濟陰丹 治酒色過度怒氣傷肝陰虛火動咳嗽吐

痰咯血盜汗並皆治之

紫苑

麥冬

遼五味

各四兩

人參 二兩 知母

青蒿

各三兩

紫河車

二具

右為細末以陳荷葉煎湯為丸每服三錢空心白滾湯送下

癆蟲治法

蓋因初起病癆之人先為癆蟲所食五臟而灰既灰之後五臟皆冷蟲不能居從鼻而出鼻乃肺之竅癆乃肺之病故從其竅而出其色赤無翼而能飛或有不見而着人者以骨肉尋骨肉

以同氣竟同氣無藥可治惟灰人身上蛆食之以絕其傳染恨人不知知者亦以臭穢而不用其外無治法矣

抽胎換骨丹

治虛癆補元氣固精壯腎夢寐遺精

並虛寒等症久久服之功效通神

真川椒

二觔揀去合口者并子新瓦上焙乾

牛膝 一觔八兩 酒浸焙乾

懷生地

懷熟地 各四兩

右為末不犯鐵器煉蜜為丸如梧桐子大每日空心溫酒送下二十九服至二十九止不可過多

歌曰

其椒備五行。其神通六義。
 夜間且不起。服至半載餘。
 骨蒸及煩勞。五臟無風氣。
 身輕心健記。別更有異能。
 顏貌若嬰童。精爽更少睡。
 一生無瘡痢。若能志心服。
 更有九般蟲。各各自迴避。
 第一須傳意。雖未遇神仙。
 欲知先有功。脚心汗如雨。
 明目腰不疼。三年精自秘。
 但服此神妙。二屍自然棄。
 儻逢此色人。初緣已得地。

附夢遺鬼交

夢屬心。鬼屬肝。精屬腎。君火動則相火隨。故有此症。
 治此症者。不獨澀其精。又必清心火。不獨清心火。又
 必補其虛。惟虛故火易動。惟火動故精易洩矣。

脉云

夢遺遺精。當驗於尺。微瀆精傷。洪數火逼。亦有心虛。
 左寸短小。脉遲可生急疾。便天。

立方

丸龍丹 治夢遺鬼交。精虛火旺。久久不愈。

當歸身酒洗 枸杞子 金櫻子 石蓮肉炒

蓮花蕊各二兩 懷熟地四兩 芡實炒

白茯苓去皮 山查肉各三兩

右為末煉蜜為丸每服三錢空心白滾湯送下

清離固精丸 治夢遺日久精神倦怠面色痿黃飲

食減少腰酸背脹久不生育子服之神驗

黃連酒炒 葶藶 人參各一兩 鹿角霜三兩

知母青鹽木炒 秋石 牡蠣蝦過 茯神去心

遠志去心 石蓮肉炒 白朮各一兩五錢上炒

右為末以荷葉煎湯法為丸每服三錢空心鹽湯送下

附盜汗自汗

盜汗屬心自汗屬肺心神不守故盜汗肺氣不收故自汗久久不愈令人喪鬼

脈云

汗脈浮虛或瀉或濡自汗在寸盜汗在尺凡人脈帶虛弱微細者必有盜汗

立方

歛汗育心湯

治盜汗養心血

棗仁

茯神

知母

白芍

當歸

各二錢

牡蠣

麥門冬

沙參

甘草

生地

各一錢五分

棗五枚煎入分溫服

鎮元飲 治自汗固肺經

人參

當歸

白朮

黃耆

五味子

各一錢

山茱萸

肉蓯蓉

麥門冬

黃栢

生地

各一錢二分

蓮肉十枚燈心三十莖煎入分臨臥服

當歸六黃湯

治盜汗自汗

當歸

生地

熟地

黃芩

黃連

黃栢

各一錢五分

黃耆

二錢

棗五枚煎入分臨臥服

護命散 治汗如神

枯礬

一錢

五倍子

五錢

龍骨

煨過一錢五分

右為細末以津唾調塞兩臍中外用絹條繫定

過夜即止

附骨蒸潮熱

骨蒸潮熱微有汗不同骨蒸則無時而不熱潮熱則如潮信之來必有定期熱者

立方

調榮清熱飲

治骨蒸屢驗

丹皮 炒

地骨皮

當歸

鱉甲

酥炙

白朮

各一錢五分

黃耆

蜜炒

青蒿

知母

鹽水炒

人參

柴胡

各一錢

棗二枚煎入分不拘時服

靈應飲

治潮熱

茯神

小柴胡

人參

生地

銀柴胡

黃芩

各二錢

知母

麥門冬

各一錢

棗五枚臨服加童便一椀

諸氣門

附氣滯

附鬱

人得天地之氣以成形形者氣之所猶以寓者也氣者形之所猶於充者也二者同相為用而亦有輕重之差焉形病氣不病雖羸瘦而無害氣病形不病雖肥壯而可憂是形在所輕而氣在所重也人能安養

天和使五臟之氣均得其平則何病之有惟內傷七情外感六氣而五臟之氣病矣故心氣盛則煩燥不寧口乾舌燥肺氣盛則壅塞喘急上膈煩滿肝氣盛則暴怒時發兩脇膨脹脾氣盛則中脘痞塞腹滿飽悶腎氣盛則膀胱滿急水道不通皆氣之有餘者也心氣虛則精神恍惚夢寐不寧肺氣虛則呼吸短淺皮毛灑淅肝氣虛則筋脉不和頭空少睡脾氣虛則飢不欲食溏泄自利腎氣虛則腰腦不能轉側大便與小便前後牽引而微痛此皆氣之不足者也善醫

者調其氣而已有餘者瀉之不足者補之又豈有虛虛實實之患乎凡本經之虛實或宜補而宜瀉然虛則補其母實則瀉其子又不可不知也

脉云

下手脉沉便知是氣沉極則伏瀆弱難治其或沉滑氣兼痰飲又曰沉弦細動皆氣痛心痛在寸腹痛在關下部痛在尺脉象顯然

立方

利氣丹 治一切氣滯心腹脹悶疼痛嘔吐酸水痰

涎不利頭目眩暈或下利膿血大小便結滯不快鬱結等症

沉香

木香

各二兩

黑丑

一兩半生半熟

玄胡索

檳榔

枳殼

麩炒莪朮

烏藥

各一兩五錢

大黃

四兩

黃連

三兩

山查肉

一兩八錢

右為末水丸每服二錢空心白滾湯下

心氣虛則補之以炒鹽心氣實則瀉之以生甘草此本經之補瀉也然肝為心之母虛則以蔓橘補肝

脾為心之子實則以黃連枳殼瀉脾

肺氣虛則補之以五味子肺氣實則瀉之以桑白皮

此本經之補瀉也然脾為肺之母虛則以炙甘草

大棗補脾腎為肺之子實則以澤瀉瀉腎

肝氣虛則補之以蔓橘肝氣實則瀉之以芍藥此本

經之補瀉也然腎為肝之母虛則以地黃黃柏補

腎心為肝之子實則以生甘草瀉心

脾氣虛則補之以甘草大棗脾氣實則瀉之以黃連

枳實此本經之補瀉也然心為脾之母虛則以炒

鹽補心肺為脾之子實則以桑白皮瀉肺
 腎氣虛則補之以地黃黃柏腎氣實則瀉之澤瀉此
 本經之補瀉也然肺為腎之母虛則以五味子補
 肺肝為腎之子實則以芍藥瀉肝
 合而言之諸氣之病分為五臟五臟之病分為諸
 症皆不可以一節言也此之所陳乃補瀉之大畧
 耳然此正藥之外又不能無增益者焉如炒鹽補
 心甘草瀉心固矣而麥冬亦可以補心黃連亦可
 以瀉心又如五味子補肺桑白皮瀉肺固矣而人

參亦可瀉補肺黃芩亦可以瀉肺如薑橘補肝芍
 藥瀉肝固矣而細辛亦可以補肝黃連亦可以瀉
 肝如炙甘草大棗補脾黃連枳實瀉脾固矣而白
 朮亦可以補脾石膏大黃亦可以瀉脾如地黃黃
 柏補腎澤瀉瀉腎固矣而杜仲亦可以補腎茯苓
 亦可以瀉腎臨病用藥其可以執一耶
 附氣滯
 蒼夫之氣清淨不息變為雲霧為雷雨者山澤濕熱
 薰蒸也人身元氣導引血液升降二焦周流四體變

則為火有升無降以致膠乎咽膈則為嘔咳為痞滿
充乎臟腑則為積聚為痿痺而心腹脇肋刺痛蓄於
下焦則為腰痛為脹墜流乎經絡則週迴刺痛多因
七情飲食鬱為濕熱成痰與積起初宜辛溫之藥開
鬱行氣豁痰消積稍久即以辛平之藥和之辛寒之
藥折之如此則火易降氣易平而病根可除矣。

立方

開鬱理氣湯

治氣鬱不散肚腹脹滿

香附

沉香

半夏

蘇子

枳實

蘿蔔子

丁香

大腹皮

藿香

水煎熱服

清氣抑肝丸

治氣不消散疑滯膈上

青皮

桑白皮

枳殼

檀香

山梔仁

烏藥

半夏麴

橘紅

白荳蔻

砂仁

加生薑三片煎服

氣滯上焦以橘紅枳殼桔梗甘草藿香香附黃連砂

仁。枇杷葉。瓜。薑。仁。為。主。
 氣滯中焦。以木香。檳榔。山查。枳殼。蓬朮。在兩脇。加青
 皮。柴胡。龍膽草。為。主。
 氣滯下焦。以沉香。茴香。川練子。荔枝核。山梔。為。主。

附鬱

鬱者。結。聚。而。不。得。發。越。也。當。升。而。不。得。升。當。降。而。不
 得。降。當。變。化。不。得。變。化。則。諸。病。生。焉。然。有。病。久。不。解
 而。成。鬱。有。鬱。久。而。生。病。其。症。有。六。脈。多。沉。伏。胃。滿。脇
 痛。脈。沉。澀。者。為。氣。鬱。周。身。關。節。走。痛。首。如。物。蒙。足。重。

遇陰寒便發。脈沉滯者。為濕鬱。胃膈滿動。則喘急起。
 臥怠惰。寸脈沉滑者。為痰鬱。目蒙口乾。舌燥。小便赤。
 澀。脈沉數者。為熱鬱。四肢無力。能食。便血。脈沉乳澀。
 者。為血鬱。噯酸。腹飽。不能食。左手脈和平。右手脈緊。
 盛者。為食鬱。

立方

舒鬱丸 治一切鬱症。

- 香附
- 枳實
- 蒼朮 各三兩
- 沉香 一兩
- 宿砂
- 山梔仁
- 撫芎
- 紅麴 五錢

半夏 各二兩

右為末水丸每服三錢空心白滾湯下

氣鬱加烏藥木香檳榔乾薑枳殼桔梗

濕鬱加白朮白芷赤茯苓木通蒼朮

痰鬱加南星海石瓜蒌仁枳殼桔梗小皂莢

熱鬱加黃連青黛連翹山梔

血鬱加桃仁紅花丹皮當歸莖汁

食鬱加山查麥芽神麩傷冷食胃脘痛加草豆蔻乾

薑如春加防風夏加苦參秋冬加吳茱萸

諸痛門

諸痛之症種種不同其患有周身骨節肩背手臂項脊腰肋心膈小腹之殊其致疾之由有風寒濕熱燥火痰血積氣之異如週身遍體無所不痛者此有火或飲酒之人素有濕痰停積於內又為風寒邪氣所侵以至痰不能周流疎利留蓄於經絡關節之間日久凝滯不散鬱於肩背項脊腰肋手臂等處不腫則痛須令人按之摩之則熱氣至而痛止故今之背痛者痰滯也必搥打千百而後散可知矣不然則為痰

為涎為飲三者之症。蓋濕邪上浮於肺。隨氣壅嗽。發
動則名為痰濕邪聚於脾。隨氣溢於口。氣流出不禁
則名曰涎。至於胃為濕邪所乘。而為吐為嘔。為噦。則
名曰飲。此又不可不察。然大要以勝濕消痰順氣和
血養脾為主。外此又有飲食之後。為冷氣所傷。而發
熱身痛。此傷食身痛也。宜消導之。六脈浮緊。鼻塞身
重。頭痛氣倉發熱身痛者。此傷寒傷風身痛也。宜解
表之。如病後汗下。而身痛者。此氣血虛也。宜調補之。
至於頭痛頭風。以發散為主。心痛即胃脘痛。有舊疾。

有客寒。有積痰。以開鬱化痰為主。其腹痛腰脇痛。宜
溫經散寒除濕為要。若飲食過多。內傷脾氣者。宜消
導之。又如小腹作痛者。須問小便利不利。小便利者。
是蓄血。小便不利者。是溺澀。有卒然大痛者。是感寒
時痛時止者。是火。若婦人小腹為衝任之海。一遇寒
冷。則血氣凝結。為之擊搏。而作痛。得溫煖則氣和通
而痛自止。又有胞絡之間。陰戶之中。為房事所傷。或
外寒鬱遏。亦能作痛。腎尖盡處。又有所謂尻骨痛。有
痰有血虛。瘀血不同。學者宜詳審之。

脈云 舉要曰。諸痛脈多於沉伏。惟風寒頭痛脈浮而洪。

立方

蠲疼湯 治周身作痛。

防風 羌活 蒼朮 木瓜

當歸 威靈仙 烏藥 生地

白芍 秦艽 川芎

水酒各半煎服。

定疼湯 治肩背項脊痛并背心痛此其寒氣不散。

獨活 羌活 藁本 川芎

甘草 防風 前胡 當歸

陳皮 肉桂 蘇子

酒煎溫服。

拂疼飲 治手臂腫痛皆因濕痰濕火或風寒凝滯。

不散。

烏藥 南星 殭蠶 川芎

麻黃 蒼朮 桂枝 白朮

橘紅 竹瀝

水煎温服

活絡飲 治_ス肢節疼痛

當歸

川芎

白芍

酒炒半夏

薑礬製

南星

桑寄生

秦艽

生地

蒼朮

炒各一錢五分

臨服加酒一椀

降氣湯 治_ス胃膈作痛脹悶喘急飲食難進

木香

當歸

蘇子

生地

各二錢

宿砂

丁香

山查

青皮

枳殼

大腹皮 各一錢

水煎温服

手拈散 治_ス心腹腰脇兩肋疼痛并瘀血凝滯

草菓

玄胡索

五靈脂

乳香

沒藥

沉香

阿魏

各五錢

右為末每服二錢煮酒調送下

通達飲 治_ス小腹脹痛溺澀不通內有蓄血結聚

當歸

桃仁

去尖

大黃

酒煨

猪苓

澤瀉

木香

各一錢

附子

滑石

玄胡索 各一錢 二分

加燈心三十莖食前服

立効飲 治婦人為房事所傷陰戶內脹疼難忍一服立瘥

川芎 當歸 玄胡索 丹皮

薑黃 大茴香 紅花 各一錢 五分

桂心 秦艽 赤芍 各八分

臨服加煮酒一鍾

流氣飲 治刺痛皆因心事憂鬱不得舒暢而作痛

如刺

白檀香 沉香 烏藥 桔梗 各一錢 五分

香附 白荳蔻 枳殼 宿砂

蒼朮 各二錢

水煎溫服

頭痛門

頭居身體之上為諸陽之會其位至高猶山之有巔木之有杪也風之起也愈高而愈狂山巔木杪先得之故雲行如飛葉落如雨皆風使之然也頭居上體

丹臺王案 卷四 三十三
為風之所先及然以其會乎諸陽而不畏寒故人後
忽之而不知所避風邪一入頭即痛焉是以頭痛之
症風痛居多夫風何以能痛也蓋風之為物也善行
而數變也其性易入其氣易感頭之諸陽內聚而拒
風風之勢內外攻以抗陽風與陽相爭兩不肯伏交
戰至於高之分而頭之諸經始病矣以諸陽之強且
不能以勝風而況以諸陰乎其有氣虛血虛而作痛
者雖係本原之不足而實風之為病也蓋虛之所在
邪必轉之使無風之入惟覺眩運而已何以作痛耶

但其氣血已虛無力非風風雖入而不與爭故其痛
亦不甚也其有飲食不消痰涎湧上而作痛者非風
之罪也宜審而治之

脉云

內經曰寸口脉短者頭痛也脉經曰陽弦頭痛是無
疑脉訣云頭痛短瀆應須或浮滑風痰皆易治

立方

清巔抑火湯 治血虛頭痛並偏正頭風

藁本 當歸 生地 川芎 各二一

防風

蔓荊子

黃連

石膏

白芍

白芷

各一錢

加蔥白五枚。生薑三片。煎服。

千金一笑散。治諸般頭疼。並一切頭風。

北細辛

人參

秦艽

甘菊花

各一錢

白芷

甘草

當歸

薄荷

各二錢

蔥白五枚。煎服。

空青散。治偏正頭痛。年深日久不愈者。並療風寒

濕熱頭上及腦痛。惟血虛者。不啻服。

川芎

五錢

柴胡

七錢

黃連

酒炒

以風

羌活

各一兩

甘草

五錢

黃芩

三兩

一半生

右為細末。每服二錢。以清茶調下。

羌活附子湯。治寒久犯腦痛。及齒痛。名曰腦風。

麻黃

大附子

防風

白芷

白僵蠶

各六分

黃柏

蒼朮

黃耆

佛耳草

甘草

各一錢

升麻

三分

水煎溫服。

點眼丹。治一切頭痛。心腹絞痛。又治攪腸沙。盤腸

氣痛疝痛

牙硝 二錢 麝香 硃砂 雄黃 各五分

右為細末。磁確收貯。臨病以銀簪蘸藥點兩眼內。

立時取效。

靈速散 治一切頭痛立愈。

細茶 一兩水二鍾煎 白芷 細辛

牙皂 紫蘇 薄荷 各三錢

煎七分。食後服。

風入太陽經。則髮際痛。脈浮緊。惡風寒。以羌活為君。

川芎。升麻。白芷。防風。甘草為佐。

風入陽明經。則額前痛。兼鼻痛。脈浮緩。發熱惡寒。以

白芷為君。羌活升麻川芎防風為佐。

風入少陽經。則兩鬢間及額角痛。脈弦。往來發熱。以

柴胡為君。川芎升麻羌活白芷為佐。

風入少陰經。則頭骨緊痛。以細辛為君。獨活防風黃

栢白芷為佐。

風入厥陰。大陰之交。則頂巔痛。以藁本為君。升麻川

芎牙皂甘草為佐。

頭眩門

頭痛之外。又有頭眩。雖無痛苦。而精神眩耀。所見之物。皆顛倒搖動。身如浮雲。足如履空。飲食下咽。即吐。胃中怏怏。眼花不定。乃其症也。此為風動肝木。根本皆搖。捲痰上升。迷亂清氣。故耳。

脉云

左數熱多。瀆乳。或血。右實痰積火盛。凡脉溢大者。必眩。

立方

定眩飲 治頭眩眼花

明天麻

青皮

薄荷

柴胡

半夏

各二錢

山茱萸

龍膽草

枳殼

黃連

錢

水煎温服

和榮湯 治氣血兩虛頭眩

人參

當歸

白朮

生地

天門冬

麥門冬

五味子

各二錢

水煎温服。如有痰。加生薑汁。竹瀝。

止旋飲 治胃兩中濕實火上炎頭眩不可當者

大黃 酒炒 八錢 枳實 三錢

生薑七片煎服

咳嗽門 附哮喘

有聲無痰之謂咳有痰無聲之謂嗽有聲有痰者名曰咳嗽然謂無聲者非全無聲也咳而易出聲之不易響也謂無痰者非果無痰也嗽而費力痰之不易出也分而言之咳為在肺嗽為在脾合而言之肺與脾迭相為用而又互相為害者也使肺不受熱則化

氣自清亦可以利脾而何至於生痰脾不受熱則游溢精氣自足以滋肺而何以至於成嗽此肺與脾之互相為害也由是觀之則脾肺雖分一經而咳嗽總為一病病之所由成皆火之所致也雖然火固能致病矣而亦有得於外或傷於風或傷於寒熱如此之類種種不同亦皆歸咎於火乎殊不知始之者風寒與熱也而成之者火也內外夾攻病斯成焉而不可以一端求也然此特論夫咳嗽之由耳而咳嗽之名非一言之所能盡悉而數之有火痰嗽濕痰嗽鬱痰

嗽。頑痰嗽。清痰嗽。風寒痰嗽。酒食痰嗽。乾咳嗽。時行
嗽。瘀血嗽。與夫肺脹嗽之異焉。而諸嗽之形症又何
以別之。蓋火痰嗽者。嗽必面赤。聲多痰少。用力久而
後出。脉數喘急是也。濕痰嗽者。喉中漉漉有聲。嗽而
易出者。是也。鬱痰嗽者。胃臃脹滿。連嗽不出。喉中有
喘聲。夜不得眠。上飽下餓者。是也。頑痰嗽者。膠住咽
喉。咯不能出。必努力大嗽。而後出少許。如脂膏之狀
者是也。清痰嗽者。必待嗽而後出。其痰不稠粘者。是
也。風痰嗽者。肺氣壅盛。必頓嗽而後出。其痰浮而有

沫。狀如津唾。而畧稠粘者。是也。寒痰嗽者。得於秋冬
之交。或為冷雨所淋。或為冷風所侵。或露臥星月。或
寒夫入水所致。其嗽必哮喘。而或肩背覺寒。得熱湯
飲之。則緩者。是也。酒痰嗽者。醉後感胃風熱。腹中有
酒積。飲濁酒。即發者。是也。食積痰嗽者。每食後則嗽
胃膈不寬。其痰稠粘。覺有甜味。面上蟹爪路。一黃一
白者。是也。乾咳嗽者。平素陰血不足。虛火有餘。喉中
常癢癢。即頻嗽有聲。而無痰。是也。時行嗽。發寒熱。鼻
塞氣急。瘀血嗽。喉間常有腥氣。肺脹嗽。動則喘滿。氣

急。或左或右。眠不得者。此痰與瘀血。碍氣而病也。又有嗽而兩脇痛者。名曰肝咳。有嗽而腰軟痛者。名曰腎咳。有嗽而中脘作痛者。名曰脾咳。有嗽而鼻流清涕者。名曰肺咳。有嗽而口苦舌乾者。名曰心咳。又有嗽而遺尿者。氣虛也。又有嗽而五心煩熱者。血虛也。凡治病者。當精詳而審之。

脉云

肺脉實者。浮大有力。若沉而滑。則痰氣盛也。虛者。弦洪無力。若沉而帶數。則火鬱也。大要浮大者。生沉伏。

匿者不治。

立方

寧嗽抑火湯 治肺火上炎。咳嗽痰多。午後面赤。

知母 瓜蒌仁 去油 貝母 各二錢 玄參

麥門冬 黃芩 天花粉 山梔仁

枳實 各一錢 竹茹 桔梗 各八分

生薑三片煎服。

開鬱降痰湯 治鬱痰咳嗽。胃脇脹滿。並積痰咳嗽。

杏仁 去皮 枳殼 黃芩 酒炒 蘇子 炒各一錢

桔梗炒 香附童便製 貝母去心 瓜蒌仁去油

山查各二錢 甘草二分

燈心三十莖食後服

保肺飲 治久患咳嗽肺金衰弱。上氣喘急。口乾喉

啞。痰中帶血絲。或咯出鮮血。或痰如灰色。將成肺

痿。

知母 天門冬 五味子 川貝母

杏仁各一錢 天花粉 麥門冬 紫苑茸

款冬花 百合 桔梗 蘇子

阿膠各八分

水煎溫服

清氣化痰湯 治酒色過度。咳嗽不止。兩肋疼痛。

人參 沉香 青皮各八分 甘草二分

知母 桑白皮 地骨皮各一錢五分

五味子廿二粒 蘇子 半夏薑礬製 麥門冬各一錢

水煎食遠服

蘆吸散 治寒痰凝結。肺經喘嗽。氣急。午後發寒。

肉桂 明雄黃 鶯管石 款冬花

粉甘草 各等分

右為極細末以蘆管挑藥輕輕含之吸入喉內徐徐以清茶過口

保真湯 治微微乾嗽骨蒸盜汗四肢壯熱飲食少進氣虛血虧損

生地 熟地 黃耆 人參

地骨皮 白朮 各六分 柴胡 黃柏

橘紅 各五分 五味子 十五粒 甘草 二分 天門冬

知母 八分 麥門冬 貝母 白茯苓 各八分

水煎食遠服

斡化潤金丹 治諸般咳嗽久久不愈此丹能清氣

化痰生液保肺滋陰降火止嗽定喘

玄參 貝母 款冬花 麥門冬 各五錢

牛黃 一錢 金沸草 知母 各二錢 明礬砂 八分

烏梅肉 當歸 各一錢 八分

右為細末以梨汁熬膏為丸如芡實大每次一丸

噙口內潤化下

華蓋飲 治肺感寒邪咳嗽聲重胃膈脹滿頭目昏

眩

赤茯苓

桑白皮

橘紅

蘇子

各一錢五分

乾葛

桔梗

杏仁

各一錢

麻黃

五分

生薑三片。食遠服。

團參飲子

治七情六鬱所傷以致臙氣不平咳嗽

濃血將成肺痿憎寒發熱羸瘦困倦

團參

膽星

半夏

甘草

麥門冬

杏仁

各一錢二分

遼五味

十五粒

呵膠

蛤粉

紫苑

百部

旋覆花

各一錢

桑葉

經霜者五片

生薑五片。食遠服。

如意丹

治嗽久不愈諸火上升口苦面赤頑痰壅

塞氣逆口疳。

青礞石

煨過礞砂

款冬花

薄荷葉

各四兩

黃芩

酒炒

玄明粉

桔梗

各六錢

大黃

酒蒸九次五錢

有為末。烏梅肉搗爛為丸。每服二錢。白滾湯送下。

參蘇飲

治肺感風邪。膈中有熱。咳嗽聲重。鼻流涕。

涕。

人參 五錢 紫蘇

桔梗 乾葛

前胡 半夏

枳殼 白茯苓

陳皮 各一錢 二分

甘草 三分

蔥頭三枝 生薑二片 不拘時服

諸嗽皆宜用桔梗乃肺經之要藥故不可不用但不可多用以其為舟楫之劑能上而不下不用則不能引藥至肺部多用則又承載諸藥而不能行反能作飽故不可多用

附喘

哮喘者即痰喘也甚而常發者喉中有水雞聲牽引曾背是也

立方

四陳散 治痰喘

陳吟茶 陳薄荷 陳皮 陳紫蘇 各二錢

薑十片煎熟溫服

必勝飲 治哮喘症久久不愈一服即止

半夏 枳實 各二錢 石膏 煨三 杏仁 去皮 各一錢

茶葉 麻黃 瓜蒌霜 去油 甘草 各一錢

薑五片。不拘時服。

二仙丹 治一切哮喘症。

沉香 一兩 萊菔子 淘淨蒸熟 曬乾五兩

右為細末。生薑汁為細丸。每服八分。白滾湯送下。

附喘

呼吸急促之甚。經曰。諸逆衝上。皆屬於火。然火有虛實。虛者氣乏。身虛實者氣壯。身熱。凡喘未發時。以養正氣。已發時。以攻邪為主。

立方

定喘湯

治胃虛作喘。脉氣無力。擡肩擗項。喘而不

休。

麥門冬 去心 人參 各二錢 遼五味 粒 麻黃 五分

白朮 土炒 杏仁 去皮 陳皮 葶藶子 各一錢

加黑棗二枚。食遠服。

二母湯 治水喘。水氣漣漣。有聲。怔忡者。

遼五味 黃柏 酒炒 知母 鹽酒炒 貝母 去心各二錢

加黑棗二枚。食遠服。

乎喘湯 治火喘。乍進乍退。得食則減。食已復喘。

蘇子炒 黃芩酒炒 枳實各二錢 山梔仁炒黑

桔梗炒 杏仁去皮尖 瓜蒌仁去油 桑白皮各一錢

加燈心三十莖食遠服

保肺飲 治肺氣不足因嗽久而作喘

白茯苓 人參 金沸草 麥門冬去心各一錢

遼五味世一粒 阿膠蛤粉炒 紫苑各二錢

水煎溫服

紫金鏡 治一切痰喘食喘氣喘水喘惟火喘不可

用薑湯磨服二錢方見痰症門

三拗湯 治外感風邪並多服參著發喘

麻黃不去節 杏仁不去皮尖 生甘草一錢

生薑三片黑棗二枚煎服

嘔吐門附翻胃

嘔者有物在中其所來之道遠故必嘔而出也吐者亦有物在中其所來之道近故一吐而即出也分而言之微有不同合而言之同歸於火飲食痰涎停積不化胃氣一升則湧而出矣其與翻胃相似而實各有所屬翻胃屬寒嘔吐屬熱惟其熱也故其出也無

丹臺玉案
定時或隨食隨吐。或食良久而後吐。隨食隨吐者。火邪急速不及入胃而即出。無嘔吐之苦。無揮咯之勞。是即吐之謂也。食良久而後吐者。火猶稍緩。必入胃餘時。委曲而出。酸苦萬狀。傷神勞精。腸捲而腹急。是即嘔之謂也。而所出之物亦不甚盡。惟翻也。則陰氣下結。水穀暫容。朝食則暮吐。暮食則朝吐。或朝食至午而吐。午時至暮而吐。其吐必盡。所食日白如此。不少。愈期。蓋胃家受寒不能運化。自不容於不出。此翻胃與嘔吐所以不同也。又有吞酸吐酸者。何也。蓋飲

食入胃弱不能消而又挾肝火是以作酸。淨飲停蓄變為酸痰。肝火升即吐。肝火降即吞。其吞與吐皆肝火升降之所為也。故治嘔吐者必治其熱。治翻胃者必治其寒。治吞酸吐酸必抑其肝。而後所投之藥無不中矣。

脉云

關上脉滑而大小不勻者必吐逆。又云嘔吐無他寸緊滑數微數血虛單浮帶芤則有痰最忌瀆弱。

立方

安胃和中湯 治嘔吐因飲食過多一時不能消化

胃窄不能容又挾寒邪於內

山查 檳榔 草菓 藿香

白芷 各一錢 五分 半夏 薑礬 南星 泡過

厚朴 蘇梗 各一錢

生薑十片煎服

薑橘飲 治嘔吐乾噦四肢厥冷

廣橘皮 四兩 老生薑 六兩

水煎不拘時服

藿香定嘔湯 治七情傷感氣鬱於中變成嘔吐寒

熱眩暈不進飲食

人參 藿香 半夏 枇杷葉 五片 蜜炙

蒼朮 一錢 肉桂 木香 橘紅

桔梗 各七分 甘草 三分

水煎空心熱服

加味二陳湯 治氣鬱傷脾飲食停胃以致嘔吐

半夏 陳皮 白茯苓 甘草 各八分

藿香梗 砂仁 厚朴 香附 各一錢

山杏肉

紅豆蔻

各六分

生薑五片煎服

調胃和中湯

治中脘寒痰嘔吐不止

大附子

童便製

橘紅

蒼朮

青皮

草菓

子丁香

半夏

各一錢五分

生薑十片煎服

六妙飲

治吐嘔不止口渴身熱

陳皮

半夏

薑礬製

黃連

薑汁炒

梔子仁

酒炒

檳榔

各三錢

老生薑

五錢

水煎溫服

附翻胃

立方

丁沉透膈湯

治胃氣不和痰涎阻隔翻胃嘔吐膈

噎痞塞

沉香

丁香

砂仁

人參

蒼朮

藿香

青皮

醋炒

陳皮

半夏

厚朴

薑汁炒

香附

各八分

甘草

三分

木香

草菓

神麩

肉荳蔻

各六分

生薑五片煎服

養胃丸 治脾胃虛冷不思飲食翻胃嘔吐

子丁香 甘草 陳皮 神麩

麥芽 炒各二兩 大附子 童便製八錢 砂仁

肉荳蔻 麵包煨 白荳蔻 各一兩二錢

右為末生薑四兩煎湯法為丸每服三錢空心白滾湯下

虎肚回生丹 治一切遠年近日翻胃危篤之極立

救回生

虎肚 一具泥裹煨過

母丁香 三錢 沉香 八錢

狗寶 二錢五分

右為末老生薑取汁為細丸每服八分酒下

秘方 治翻胃垂危者一服神效

牛黃 鴉片 各五錢 狗寶 六錢 五靈脂 四兩淘淨

右為末狗膽汁丸如芡實大每服一丸薑酒調下

霍亂門

霍亂之症急於風雨心腹絞痛腸胃并結欲吐不吐欲下不下手足揮顛滾轉煩悶頃刻之間而歿生安

危係焉。蓋由平日過傷飲食。多勞多氣。一感臭穢。清氣混淆。於是陰陽不調。暢水不升降。中氣潰亂。而病斯劇矣。邪在上則吐。邪在下則瀉。邪在中則吐瀉兼作。是皆易治者也。若不吐不瀉。則或在旦夕矣。又有轉筋霍亂者。緣筋屬肝木。脾胃暴敗。則血與氣暴截。無所接濟。故筋急而轉縮矣。此尤霍亂中之至重者也。若吐瀉則亦有可治。倘不吐瀉。必死無疑。大抵霍亂初發。不得用藥。以其氣亂。藥不能理也。

脉云

微而澀。或代而散。或隱而伏。或大而虛洪者。為熱眩者。為痛微弱。漸絕。或脉漸大者。生。

立方

速驗飲 治寒暑相搏。霍亂轉筋。煩渴悶亂。

艾葉 三錢 香薷 藿香 各四錢 黃連 二錢

水煎不拘時服。

鹽水飲 治霍亂初起。以此探吐。

食鹽二兩。炒乾。乘熱投水中。調和約二三碗。令病人連連飲之。一吐即愈。

漑濟湯 治霍亂虛煩不得眠

人參 一錢 甘草 三分 竹茹 麥門冬

半夏 粳米 各二錢

生薑五片煎服

通脈四逆湯 治霍亂多寒脈將欲絕

當歸 二錢 北細辛 木通 大附子 童便煮 各一錢

白芍 八分 甘草 三分 吳茱萸 肉桂 各四分

棗二枚薑三片不拘時服

正氣湯 治霍亂吐瀉不往

陳皮 蘇葉 澤瀉 山查

蒼朮 各一錢 藿香 厚朴 薑汁 半夏 薑礬 各一錢五分

甘草 三分

老薑五片煎服

蒸臍法 治霍亂欲絕但胃中微有熱氣用鹽填平臍中灼艾不計壯數即甦

鍼法 刺少商穴出血立愈乾霍亂藥不能治惟此神效屢試屢驗

少商一穴在大指端內側去爪甲角如韭許白肉

宛宛中刺之。

噎膈門 附梅核氣

噎者咽喉噎塞而不通。飲或可下。食則難食也。膈者。胃口隔截而不受。雖飲食暫下。少頃復吐而不能容也。求其所以致病之由。要皆憂鬱不開。思慮太過。忿怒不伸。或驚恐時值。變故屢遭。汲汲遑遑。無安寧之日。以致內氣併結於上焦。而噎膈之症斯成矣。此皆處於逆境者。然耳。至於素享富貴之人。亦有是症者。何哉。必因厚味所傷。酒色過度。虛火用事。真陰消鑠。

以至血液乾枯。頑痰膠固。結於咽喉之處。則成噎。結於胃口之處。則成膈。又有不因酒色而得者。亦當以血枯痰膩及氣鬱治之。但審其所得之由。及觀其所稟之厚薄。方可用藥。如瘦人多火。其血亦乾。亦有因火而生痰者。肥人多濕。其痰易結。亦有因濕而生滯者。窮困之人。多憂鬱。經營之人。多思慮。不得志之人。多憤怨。遭變故之人。多驚恐。好酒之人。多痰火。好色之人。多積血。嗜味之人。多宿食。使氣之人。多惱怒。當細審而治之。不可以一端求也。又有所謂鼠噎者。見

入即不食背人即私食之乃食鼠屎中毒所致又豈
可用一例治之乎凡治此症以開鬱消痰順氣潤血
為主斯得竅妙矣

脉云

氣虛者脉必緩而無力血虛者必數而無力痰者寸
關沉滑氣滯者寸關沉而帶瀦

立方

透關散 治噎膈不通痞滿氣結飲食難下

白荳蔻 子丁香 沉香 各四錢 青皮 醋炒

香附 醋炒 橘紅 枳實 各五錢 青礞石 服過三錢

右為末每服二錢空心煮酒送下

神仙蒸臍法 治噎膈極危重症服藥不效用此法

神驗並一切五勞七傷諸虛百損遺精白濁痞塊

蠱脹中風不語婦人赤白帶下效妙種種不能盡

述

大附子 一箇重一兩 童便浸焙 人參 白茯苓

鹿茸 青鹽 蓮蕊 真川椒 各一錢

右為細末填入臍中外用槐錢蓋上將蕪艾灸五

壯為度。

黃金散 治噎膈湯水不能下。

螺螄

淘淨養於磁盆內俟吐
出殼內之泥曬乾五錢。

牛黃 五分

右為細末每服一錢燒酒送下。

又方 治鼠噎。

鼠糞

燒灰存性

萊菔子

炒

白苳蔻

炒

沉香

各五錢

右為末每服二錢空心酒送下。

分氣飲 治遠年近白噎膈神效。

藿香

枇杷葉

貝母

去心

陳皮

各一錢

當歸

厚朴

薑汁炒

沉香

香附

醋炒

蘇子

炒

白豆蔻

各一錢五分

生薑五片煎服。

二苳靈丹 治噎膈如神。

雄黃

二錢

百草霜

五錢

乳香

硃砂

各一錢五分

烏梅

十二箇

菜苳

黑苳

各四十九粒

右為末煉蜜丸如芡實大每用一丸噙口中不待

化盡以白麵餅浸濕壓下。

坐功取效。

淨心少坐。用意。在丹由。直穿過尾尻。尾尻行至泥丸。並九宮一轉。落下口中。虛嚥一口。送下。引至丹由。少停再行。如此三十六遍。每日做七次。夜間做五次。七日全愈。驗過數人。效妙通神。

附梅核氣

梅核氣乃七情所傷。痰氣鬱滯。結在咽喉之間。吐不出。嚥不下者。是也。

立方

加味二陳湯 治六鬱七情神思所傷。結成痰核。芥

芥喉中咯之不出。吐之不下。

白茯苓 陳皮 半夏各一錢 厚朴

桔梗 枳實 黃芩 貝母去心

蘇子各一錢二分 甘草 肉桂各二分

生薑二片煎服。

丁香透膈丹 治一切梅核氣。

檳榔 半夏薑製 木香 砂仁炒研

枳殼二兩。芭荳四十九粒。入內。紫好。酒醋煮乾。去芭荳不用。

橘紅 枳實炒 白荳蔻炒 沉香

貝母各一兩 丁香 五錢 礪砂 三錢 草葉炒

益智仁炒各八錢

右為末每服一錢六分薑湯送下

脾胃門

五臟之有脾胃猶五行之有土也。天一生水得土之五而成六。地二生火得土之五而成七。天三生木得土之五而成八。地四生金得土之五而成九。天五生土復得土之五而成十。五行無土不能成。五行五臟無脾胃不能資。五臟脾胃者五臟之本也。心肝肺腎

不能容。飲食能容之者脾胃也。飲食入於脾胃而精氣行焉。味之鹹者先入於腎。所謂水得土而成水也。味之苦者先入於心。所謂火得土而成火也。味之酸者先入於肝。所謂木得土而成木也。味之辛者先入於肺。所謂金得土而成金也。味之甘者本宮受之而實。所以調和五臟。所謂土又得土而後成也。夫然後腎水常滋。心火常淨。肝木調達。肺金清潤。而周身脉絡無不貫通。病無自而作矣。故善保身惟養脾胃而已。若不節勞。即傷脾。而四肢於是乎倦怠。不節食

即傷胃而中脘於是乎痞塞。濕土之氣鬱而不發，則鼓脹黃疸之疾成。濕土之氣潰而下注，則痢疾瀉泄之病作。而脾胃之症，此爲極矣。不但已也。脾胃一傷，則五臟皆無生氣。由是爲腰痛，爲煩渴，爲脇脹滿，而腎斯病矣。爲恍惚，爲怔忡，爲煩燥，而心始病矣。爲吞酸，爲吐酸，爲脇脹，爲多怒，而肝始病矣。爲咳嗽，爲喘急，爲呃逆，而肺始病矣。五臟之病，雖亦有自爲病者，未可皆歸罪於脾胃也。而病之始於脾胃者，居多焉。人其可以不調理脾胃乎？要而言之，飲食勞倦，皆

宜有節，而二者之間，又以節飲食爲至要。蓋胃居脾下，飲食之所聚也。而尅化之權，則在於脾。脾覆乎胃，運闔闢之機，無一時而不動。胃火上升，脾火下降，氣常溫煖，是以飲食易消。若嗜味而過飽，則充塞胃口，上礙於脾，脾雖欲動，不能動矣。其能以尅化乎？此所以調理脾胃，又莫先於飲食之節也。

脉云

脉喜沉細而緩，帶洪數者，卽是病至。

立方

加味四君子湯

調理脾胃進飲食

白茯苓

白朮

人參各一錢二分

甘草

陳皮

厚朴

蓮子各一錢

水煎溫服

參苓白朮散

治脾胃虛弱飲食不進或吐瀉日久

大病後調理

人參

白朮

土炒

茯苓

去皮

山藥

炒各八錢

甘草

五錢

桔梗

白扁豆

炒

蓮子

去心炒

薏苡仁

炒各一兩

右為末每二錢空心米飲湯送下

平胃散

和胃健脾祛濕消食

蒼朮

米泔浸炒

陳皮

各一兩

甘草

炒三錢

厚朴

薑汁炒八錢

右為末每服二錢白滾湯送下

香橘飲

治脾臟不和飲食不進神思困倦

白茯苓

香附

各一錢五分

石斛

橘紅

人參

砂仁

各二錢

棗二枚煎服

調中和胃丸

治脾胃不和食後反飽臃肉漸瘦

後泄瀉

白木土炒 蒼木炒

半夏薑礬製 厚朴薑汁炒

砂仁炒 白荳蔻炒 廣木香 薏苡仁炒

澤瀉各一兩 肉荳蔻麩包

沉香 山藥炒各

右為末以水法為丸每服二錢五分空心白滾湯送下

升陽益胃湯 治脾虛胃弱逢春口淡無味遇夏炎

天惡寒

黃耆 人參 半夏 神麩

當歸各一錢 黃連 柴胡 升麻

草荳蔻 陳皮 甘草各八分

棗五枚煎服

心痛門 附怔忡驚悸健忘 附顛狂 附邪祟

心痛者非真心痛也乃心胞絡與胃脘痛也然果何以知之蓋心胞絡護捧其心脈絡相係位居心之四旁火載痰而上升礙其所居胞絡為痰相軋故脂膜緊急而作痛遂誤認以為心痛也胃脘近心位居心

下而絡於脾。飲食過多不能消化傷乎胃脘。病根常在。畧傷飲食。即悶悶作痛。亦誤認以為心痛也。大抵痛而有痰。常覺惡心。嘔去痰即寬者。即為之心胞絡痛也。痛而作飽。時時噯氣。直至飢而緩者。即謂之胃脘痛也。又有痛時得飲熱湯酒而稍緩者。乃寒氣客於心脾之間也。又有心頭作痛。其痛應於背心者。乃憂鬱悲思積而成病也。又有心頭急痛。唇白毛豎。口吐黃水者。乃蟲之為害也。又有心頭結疼。逆氣上騰。如蟲攪擾。自覺胃中唧唧作聲者。非蟲也。乃死血隨

氣而動也。又有二月一發。或一月兩發。或一二月一發。其發也。疼極悶。或搔爬無措。涎水一湧而即甦者。乃寒積於心脾之間。安堵不動。一為惱怒勞倦所傷。則寒痰乘勢湧起。泛溢胃口。迷塞心竅。故悶疼而欲涎水一湧而出。則胃口漸寬。心竅漸通。而復甦也。凡此皆可施治。惟平素原無心痛之疾。卒然大痛。無聲面青。氣冷咬牙。噤齒手足如冰。冷者。乃真心痛也。蓋寒邪直犯君火。且發則暮。效暮發則旦。或不可救之症也。

五部脉云

沉細小吉。浮大弦長者凶。外血痛者左手脉必瀆乳。熱痛者左手脉必數。積痰痛者右手脉必實大。氣食痛者肝部必弦。其氣口脉必緊。

立方

八寶蠲痛湯 治七情傷感六氣為病心疼腹痛不可忍者。

- 玄胡索 乳香 甘草 沉香 各一錢
- 官桂 八分 陳皮 當歸 白芷 各二分

水煎溫服。

補心湯 治心氣虛耗不能藏血以養心故心痛四肢厥冷。

- 當歸 生地 各四錢 白芍 玄胡索
- 烏藥 丹皮 遠志 茯神 各一錢

龍眼肉五枚煎服。

愈痛散 治急心痛並胃脘痛。

- 高良薑 玄胡索 五靈脂 各一錢
- 蓬莪朮 當歸 各二錢 甘草 一錢

右為末每服二錢空心酒送下

秘方 治九種心疼水米不下痛不可忍者一服立愈

沉香 子丁香炒 阿魏各五錢 大茴香炒

石菖蒲 廣木香 乳香 檀香各四錢

川椒二錢 砂仁炒 玄胡索各三錢

右為末好醋為丸每服一錢白滾湯送下

扶陽助胃湯 治一切心疼等症

附子童便製 乾薑炮各一錢五分 草薺

益智仁炒 人參 甘草 白芍酒炒

官桂各一錢 吳茱萸 陳皮 白朮土炒各五分

水煎溫服

又方

黃連酒炒 山梔仁炒 吳茱萸炒各五錢

荔枝核煨存性三錢

右為細末薑汁為丸每服一錢老酒送下

附怔忡驚悸健忘

人之所主者心。心之所養者血。心血一虛。神氣不守。

此怔忡驚悸之所肇端也。曰怔忡曰驚悸豈可無辨乎。心虛而停水則胃中滲漉虛氣流動水既上乘心火惡之心不自安使人有快快之狀是則怔忡心虛而鬱痰則耳聞大聲且擊與物使人有惕惕之狀或驚然而跳躍驚動是則為驚悸又有所為健忘者為事有始無終言語不知首尾是也。治之之法怔忡者與之逐水消飲之劑驚悸者與之豁痰定驚之劑健忘者與之定志安神之藥總之要在調養心血和平心氣而已。

脉云

寸口脉動而弱。跌陽脉微而浮。

立方

虎犀丹 治怔忡驚悸因七情所傷心神惑亂健忘等症。

虎睛 一對 犀角 微炒

羚羊角

麥門冬

去心

生地

膽星

黃連

山梔仁

炒黑

遠志

甘草 水泡

半夏

薑汁 製

石菖蒲

天麻

煨

棗仁

炒各一兩

辰砂

八錢 為衣

麝香

甘草

各三錢

金箔二十張人參

扶神各一兩五錢

右為末蜜丸桐子大每服三錢燈心煎湯送下

溫膽湯 治心膽虛怯觸事易驚

半夏薑礬製竹茹 枳實楚炒橘皮各四錢

甘草炙白茯苓各二錢

加龍眼五箇煎服

鎮心丹 治驚悸

辰砂 龍齒遠志醋煮各一兩

右為細末猪心血為丸如菜子大每服一錢麥門

冬煎湯送下

琥珀育心丸 治怔忡驚悸日久不愈形容漸瘦四肢乏力

肢乏力

扶神 鬱金 遠志各一兩牛黃三錢

龍齒四錢酸棗仁 黃連各八錢辰砂五錢

真金箔三十張

右為末煉蜜為丸辰砂金箔為衣如芡實大每日

蚤晚一九燈心煎湯調下

加味定志丸 治肥人多痰驚悸

天花粉 貝母去心 瓜蒌仁去油 白茯苓各二兩

遠志甘草水炮 石菖蒲 人參 琥珀

鬱金各一兩 辰砂六錢

右為末蜜丸辰砂為衣每服二錢白滾湯送下

歸脾湯 治思慮過度勞傷心脾以至健忘

人參 黃耆 白朮各一錢 茯神

遠志 酸棗仁 當歸各一錢五分

木香 甘草各八分

龍眼肉五枚煎服

養心湯 治心虛膽怯健忘怔忡不能成寐者

玄參 白朮 麥門冬 當歸

白芍 生地各一錢 川芎 天麻

紫石英 栝子仁 棗仁 陳皮各八分

燈心三十莖煎服

附顛狂

顛者異常也。平日能言顛則沉默。平日不言顛則呻吟甚則僵仆直視。心常不樂。狂者凶狂也。輕則自高自是好歌好武。甚則棄衣而走踰牆上屋。又甚則披

頭大叫。不避水火。且好殺。入然顛。為心血不足。狂為痰火實盛。治在專於下。痰降。火治。顛則兼乎安神。養血若神。脫目。瞪如愚癡者。不治。

立方

安神養志丸 治顛瘡

當歸

生地

棗仁

黃連

玄參

白朮

各三兩

人參

甘草

膽南星

各一兩

二錢

右為末。荷葉湯為丸。每服一錢。空心。白滾湯送下。

紫金錠

治顛狂。一症。薑湯磨服。一錢。方見痰門。

虎睛丸

治失心。風顛發狂。精神恍惚。時作謔語。

虎睛

一對

微炒

大黃

酒蒸

遠志

各一兩

山梔

炒六錢

右為末

蜜丸。每服一錢五分。白滾湯送下。

墜痰丸

治痰火凝結於胃膈。以致顛狂。謔語妄言。

大黃

酒煨

貝母

去心

膽星

青礞石

槓過

石菖蒲

各一兩

麝香

一錢

蛇含石

煨紅醋淬

七次

五錢

右為末。薑汁為丸。每服一錢。空心。白滾湯下。

附邪祟

凡入染邪祟皆因精神衰之邪從而入其脉乍大乍小乍長乍短是也

灸法

灸鬼眼穴以兩手大指並縛定用大艾炷騎縫灸之務令兩甲角及甲後四處着火方效

痞塊門

附嘈雜

附呃逆

痞者否塞之意也從病從否故有痞之名焉又以其堅實有形故又名之曰痞塊然是物也從何而得之哉蓋因瘀血不化宿食不消痰飲積聚而成也有三

者併而成塊有二者各自成塊各自成塊者易治併而成塊者難消然果何以辨之察其脉視其形而已矣脉弦為痰脉滑為食脉芤為血三脉俱見則併而成塊也以其形而言之宿食成塊者居於中脘視之則無形按之則有質在腸胃之間以人之飲食皆入於胃故不在皮裏膜外其在皮裏膜外者皆痰與血蓋痰能流注於脂膜血能運行於皮肉痰積而不流則脂膜之間為其所據而有形可見血瘀而不行則皮肉之間為其所碍而亦有形可見也欲辨痰與血

之異亦審其痛之何如耳痛甚者為血痛不甚者為痰又手推不動者為血手推易動者為痰以熱物熨之而痛緩者為血熨之而無所覺者為痰此痰與血之辨也若痰血相成者何以辨之塊之所漸而大者是也蓋先有瘀血而又有痰以累之則以漸而大先有積痰而又有血以併之亦以漸而大若單是血或單是痰無相併相累之物只如初起之形而已何至以漸而大乎然宿食成塊亦未有不資於痰與血者是何也蓋飲食所傷者惟中脘作痛或按之硬實而

已初未嘗如彈丸之形者使不資於痰與血何以成塊乎必先有硬飯或魚與肉或餛飩米團之類一時失嚼誤咽停於胃中經月不能消化得其道路血流過其處又累一層痰與血共相累之則不能不成塊矣累一層則大一層故始如彈丸久則如梧如碗其初尚隱於胃中猶有質而無形其後漸大則腹皮頂起而形外見矣又有時升時降時隱時見者乃氣塊也或左或右或上或下按之不見塊不按又若有形而漉漉作聲乃停飲也非塊也此纔論其塊云耳然

以其在人而言則雖各有專病又不可拘也如婦人
之塊多惡血而亦有氣成者小兒之塊多食積而亦
有痰成者易怒之人多氣癰而亦有血成者肥胖之
人多痰飲而亦有食成者當問其得病之由或偶傷
食自此日而起始也或感受氣者自此而起或偶因
負重勞力自此日而起者或平素有鬱痰膠固偶發
作而起者在婦人必審其月事之通閉在小兒必審
其飲食之多寡皆當以意求之不能盡述也

脉云

經曰積塊之脉必結伏見在左塊居左見在右塊居
右此其驗也

立方

磨平飲 治瘀血成塊奔走作楚

紅花 桃仁 山查 蘇木 各二錢

京三稜 蓬莪朮 枳殼 香附

烏藥 各一錢五分

水煎空心服

萬靈丹 治痰積成塊

丹臺玉案

八四卷

七

半夏薑製 南星薑汁炒 瓦礫子煨 青礫石煨

沉香銼各二兩 青皮醋炒 莪木醋煮 三稜

香附醋炒 白芍各一兩

右為末醋打糊為丸每服二錢空心酒送下

立消丸 治飲食積聚成塊

檳榔 草菓炒 山查肉 萊菔子炒各二兩

阿魏酒釀化 三稜 莪木醋煮

廣木香 青皮醋炒 香附各一兩

右為末神麩六兩打糊為丸每服三錢薑湯送下

化痞丸 治積氣成塊并瘡母而成痞塊者神效

黑丑半炒 檳榔 沉香 阿魏各一兩

針砂醋炒 官桂 青皮醋炒 白木土炒

蒼木米泔浸炒 枳殼麩炒 半夏薑製各一兩二錢

右為末醋打麵糊為丸每服二錢空心薑湯送下

秘方消痞膏藥 內服九子外以膏藥貼在塊上內

外挾攻定然消鎔

紅花 蓬朮 三稜 當歸各四兩

兩頭尖 五靈脂 穿山甲 川烏

生地 丹皮 巴豆肉 木鱉子 各二兩

前藥為咀片。以麻油舂半。浸五日。熬枯。去渣。再用文武火煎。至滴水成珠。再入後藥。

阿魏 沉香 銼末 乳香 研各一兩 蘇合油

麝香 研細五錢 廣木香 銼末 子丁香 研細 檀香 銼各一兩五錢

前八味。俟藥油熬致滴水成珠。緩緩加入。即成膏矣。

附嘈雜

凡嘈雜皆因心脾二經虛火發動。兩手寸關脈來弦

滑是也

立方

調脾抑火湯 治脾氣不足。心中不時嘈雜。

白茯苓 黃連 山梔仁 白朮 各二錢

陳皮 黃芩 甘草 各一錢

水煎。不拘時服。

又方 治心血少。胃口嘈雜。不時索食。

黃連 薑汁炒 當歸 人參 白朮 土炒各二錢

龍眼肉五箇煎服。

附呃逆

諸逆衝上皆屬於火。古以為寒恐非也。治法須辨有餘不足而治。

六脉云

浮而緩者易治。急者難治。

立方

橘皮竹茹湯 治大病後中氣不足呃逆不已脉來

虛細

人參 陳皮 竹茹 甘草 各二錢

棗五枚 生薑十片煎服

解毒湯 治痰火相搏呃逆不住方見傷寒門

丁香竹茹湯 治中焦氣塞下焦呃逆

柿蒂 陳皮 竹茹 各二錢 丁香 五枚

生薑五片煎服

又方 治婦人產後發呃

黃栢 當歸 知母 陳皮 各二錢

生地 川芎 竹茹 白芍 各一錢 二分

生薑三片煎服

腹痛門

腹位於人之中而統於脾胃水穀之府也。有寒客之
則阻不行。有熱内生鬱而不散。有食積或血濕痰結
滯妨礙升降。有怒氣傷肝木來尅土。有傷勞倦血虛
氣虛則運化自遲。皆能作痛。又有蟲痛暑痛疝痛積
聚痛絞腸痛痢痛腸癰痛種種不一。皆宜辨之。綿綿
痛而無增減。以熱手熨之稍止。脈細沉而遲。小便清
白。自利者寒也。時痛時止。痛處亦熱。手不可近。口乾
舌燥。小便赤澀。大便閉。或肛門如燒者火也。胃膈飽

悶以手重按愈痛。欲大便利後則痛減者食也。痛有
常處。遇夜益甚。腹膨。小便利。脈滑者痰也。痛連兩脇。或攻注腰背。
道小便不利。其脈滑者痰也。痛連兩脇。或攻注腰背。
其脈弦者怒也。若平素慎於飲食而視其肢體瘦弱。
又不飽悶。但偃偃作痛。如細筋牽引者血虛也。若肚
腹常覺空虛似餓。非餓。翁翁作痛。呼吸如無氣力者。
氣虛也。面黃肌瘦。肚大青筋。往來絞痛。痛定能食。面
生白斑。唇白。毛豎。嘔吐清水。蟲也。暑痛傷暑。積聚痛。
有形可按。疝痛。引丸。絞腸沙痛。不吐不瀉。痢痛。後重。

腸癰痛。臍生瘡。小便如淋。大藥大腹痛。屬太陰。多食積外感。臍腹痛。俱少陰。多積熱痰火。小腹痛。屬厥陰。多瘀血及痰。與溺澀。臍下如此。推之則寒熱虛實。明矣。

入下脈云

宜於沉細。忌浮大弦長。

立方

千金飲 治寒氣客於臟腑。腹中絞痛。或作嘔吐。

廣木香 磨 烏藥 各二錢 乾薑 肉桂 各一錢

白芍 炒 砂仁 炒 甘草 木通 各一錢五分

水煎不拘時服。

拂手湯 治濕流入胃經。腹中作痛。時疼時止。

大黃 酒蒸 三錢 青皮 醋炒 石膏 煨 黃連 酒炒

甘草 厚朴 薑汁炒 各二錢

水煎不拘時服。

稜木飲 治飲食凝積。結聚腸胃。并有寒邪。滿腹痛。

不可忍。

檳榔 三稜 蓬朮 草菓 各一錢

山查

白芍

麥芽

陳皮

砂仁

廣木香

各一錢五分

甘草

五分

水煎熱服。

至寶飲

治瘀血凝結肚腹絞痛如刺割者上

桃仁

當歸

川芎

紅花

各一錢二分

烏藥

蘇木

青皮

大黃

酒蒸各二錢

酒水各一鍾煎服。

摩痛飲

治濕痰腹痛。

陳皮

半夏

甘草

白芍

各一錢

香附

蒼朮

厚朴

膽星

青皮

烏藥

各一錢

水煎熱服。

化蟲丸

治腹中有蟲疼痛難忍層生白班嘔吐清

水上

廣木香

檳榔

雷丸

山查肉

蓬朮

烏梅肉

黑丑

炒熟各一兩

棟樹根

甘草

各五錢

右為末燒酒加黑沙糖為丸如菜葷大每服一錢。

五更時白滾湯送下

神仙蒸臍法 治一切肚腹疼痛母論虛實氣血痰

食等症一蒸即愈屢屢神驗方見寶臍門

靈妙飲 治腹內作痛而兼瀉

白茯苓 蒼朮 猪苓 白苳仁 各一錢

澤瀉 厚朴 木通 沉香 各一錢

甘草 肉桂 各七分

生薑五片 食前服

秘方參附丸 治氣血虛極寒和凝結臟腑終日腹

疼諸藥不效

大附子 童便製 人參 白芍 酒炒各一兩

肉桂 炒七錢 當歸 二兩 甘草 八錢 真沉香 一兩

右為末蜜丸每服二錢五分空心白滾湯送下

凡痛宜用芍藥甘草乃腹痛要用之藥蓋芍藥味酸

能於土中尅木甘草味甘甘先入脾而能緩痛曲

直作酸酸者甲也稼稽作甘甘者已也甲已化土

此仲景之妙法也故芍藥甘草名曰戊己湯統治

諸腹痛而血虛腹痛者猶效為甚也

蟲門 附好喫壁泥。生米。茶葉。

蟲動物也。草木水土之中宜有之。何爲而有於人之腸胃中乎。蓋蟲者亦得天地之氣以成形者也。而形不自成。必假於物而後成。如草腐而生螢。雀歿而生蛤。魚爛而生蛆。皆舊有形之物。感陰陽之氣而後形體成焉。人身小天地而人之氣。即天地之氣也。然則蟲之生於腸胃中者。亦豈無所假而成哉。飲食入胃不能消化。如魚鮮肉醢生麵硬飯之類。停積于中。濕熱相感。稠粘膠固。資熱血以相成。得生氣以陶鑄。則

不動之物。悉成能動之形。頭尾皆具。而渾然一蟲類矣。其始也。因飲食而變。其既也。賴飲食以養。絞擾蟠結。食人精氣。飲人膏血。壞人臟腑。殞人命壽。蟲之爲害。可勝言哉。大凡難化之物。皆能生蟲。不但肉醢麵硬飯之類而已。若誤吞頭髮羽毛。尤其易生者也。不特此也。雖無質之物。亦能生焉。如濃茶濁酒。本無質者。而所澄之脚。最能成病。故有茶癖酒積之症。久之亦變爲蟲。成於茶者。常思食茶成於酒者。必酷嗜酒。一日不獲所欲。則一日不能暫安。此其症也。又有所

謂癆蟲者又何所自而生耶蓋癆蟲卽屍蟲也勞疾
之人多癆血瘀血不消得火煨煉遂成細蟲其色變
赤無翼而能飛或隱或見其來也不測皆血之所化
也以其爲血所化故比諸蟲則甚靈焉血統於肝則
藏寃故此蟲者寃之所依也病人旣死寃隨蟲出好
覓同氣同氣之親不幸而染之則成傳屍勞症此又
蟲之可畏也然蟲病人常有之何以灼知其真而藥
之耶必有形症可見也蟲病之人面黃肌瘦唇白毛
豎髮顏不澤臉多白印時覺惡心口吐清水或心腹

絞痛飲食不爲肌膚或頭髮禿灑浙惡寒或額面
生瘡濕癢沿連皆其症也如此詳察則可以用藥矣

脉云

脉虛小者生緊急者死

立方

尋蟲散 治大人小兒腹內諸蟲

白丑炒 半 黑丑炒 半 雷丸 攢榔各一

廣木香五錢

右爲末每服三錢黑沙糖調下

檳榔飲 治諸蟲積久肚腹脹大

檳榔 五錢 苦楝根 六錢向東南者洗淨

水一碗入黑糖少許煎服

寶鑑化蟲丸 治蟲咬心痛

鶴虱 去土 檳榔 苦楝根 各一兩

白礬 枯過 胡椒 炒入

右為末米糊為丸如粟米大人服八分小兒服

三分米飲湯送下

又方 治小兒口中常吐出蟲

黑錫灰 檳榔 各等分

右為末每服一錢花椒煎湯送下

追蟲至寶丹 治五臟諸蟲面黃膚瘦四肢疔羸肚

腹膨脹飲食減少蟲咬心疥癩痕積塊並皆治之

大黃 四兩 雷丸 檳榔 廣木香

玄胡索 山查 各二兩 貫衆 去土 黑丑 半生

三稜 醋炒 使君子肉 各一兩 蛇含石 煨醋淬

右為末甘草煎水為丸每服三錢五更時白滾湯

送下

丹臺玉案 卷四
又方 治好喫壁泥

黃泥 一觔 砂仁 四兩
泥炒

右為末黃連熬膏為丸每服二錢五更糖湯下

又方 治好喫乾茶葉並茶癖

寒水石 煨 蒼朮 炒 黃芩 酒炒 薄荷葉

膽星 各三錢 白芍 酒炒 朱橘皮 使君子肉 各五錢

右為末黑沙糖神麩打糊為丸每一錢空心糖湯下

祛蟲丹 治小兒疳蟲面黃肌瘦肚腹膨脹

大蝦蟆 一隻將砂仁實其腹中倒掛當風陰乾炙脆為末

人參 白朮 土炒 檳榔 使君子肉 炒各一兩

針砂 三錢 醋炒 胡黃連 山查 麥芽 各一兩 五錢

右為末水法為丸每服二錢空心白滾湯下為散

用糖調下

又方 治好喫生米

藿香 蒼朮 泔水 神麩 各一兩 薑炒


雷丸 各二兩 白朮 上炒 石膏 煨 粟米 各一兩 二錢

右為末以沙糖水調每服二錢空心下

五臟皆上行。惟有肺蟲下行。最難治療。須用獾爪。爲末。調藥於初四日。初六日服。此兩日肺蟲上行。

丹臺玉案卷之四終

用獾爪



白朮 上 鹿 鹿 鹿

白朮 上 鹿 鹿 鹿

西陽草印

